

北

游

錄

北游錄 凡部

鹽官談遠孺木著

乙未

正月丙戌朔余齋三日將乞靈于前門關廟也午游

萬壽宮

丁亥從同輩例謁頗苦

戊子卜於關廟心計轉惑還謁霍魯齋大理吳駿公  
太史曹秋壑通政及陳本菴俱不值

己丑

庚寅訪紀春曉光祿則徙寓內城也道中值曹通政  
卓卿始霽陳本菴招飲是日偕余氏劉目雷溪詩稿  
謝榛四溟山人集

壬辰

癸巳陰微雨

甲午茶西安蔣孟洽鴻翼時同本菴寓

乙未寒

丙申觀正陽門外燈市薄暮雪

丁酉晴

戊戌過太和堂吳氏觀劉松年文姬胡笳圖筆法工  
細胡人冠服宛如今日是夜西南赤氣亘天射憲牖

如火朱太史疑有異起視

己亥悟霍魯齋袒同朱太史飲為醉

庚子游大慈仁寺其市簡夜酣飲

辛丑陰遇吳駿公太史借元特制柳文廟有集

壬寅大風

癸卯晴風霾

甲辰

乙巳大風偶飲陳禾菴所朱方菴來不值又得徐道  
力書

丙午風霾尋朱方菴不得其處目訪徐道力話舊嘉

興吳天容澄同舍

丁未仍風霾午訪方菴并得家問方菴與海鹽俞君  
非同舍

戊申朱太史赴南苑之召南苑周四十里離宮一區  
諸侍從俱毳帳

己酉

庚戌朱太史還先是傳訓林十四人修順治大訓于  
外宅吳駿公太史與焉吳太史謂召入也徃言其故  
乃止

辛亥

壬子沈叔明南行附家報余初擬三月歸而以居停  
勉留約明春躋履也

癸丑過徐道力所兼晤嘉興吳準菴源繆文范鼎

甲寅繆文范來晚張書乘東我附錢紫一手札知去

夏趙介眉請喪禮退菴老人逆違菴可念也

乙卯訪張書乘道值嘉善錢仲芳

二月丙辰朔訪錢仲芳相國身後益曾孫三仲芳子

長孫點今同公車

丁巳過徐道力所

戊午晚宿朱方菴所

己未

庚申陰

辛酉莫微雨

壬戌午霽

癸亥風過霍大理偕康對山先生集

甲子

乙丑訪陸禹疇不值

丙寅友人招飲查樓查樓者前門之酒家也 先帝

嘗微行登馬順治初隣火不及滿人異之嘗枉車駕

是日飲頗酣

丁卯

戊辰夜大風

己巳陰

庚午晴過吳駿公太史所初正月末太史召入南苑  
幕修內政輯要在南苑時再被召知其抱疴放跡則  
二月之八日也召問自宦腹及父母兄弟父子俱纒  
悉問其弟何狀對曰二弟並生員上即笑曰外國嘗  
進而孫命中官飼以白粳一食一不食主者諭其故  
旁云一熟猿一生猿衆為之啟齒是日擬游觀象臺  
不及往



辛未張書來朱方菴俞君外丁震生俱集朱太史留  
飲書來初場坐候格不終試而文甚佳惜之書來云  
自許州來凡河工徵柳一束官直七分輸于塞口半  
直五錢納費不與焉積若干束合抱官直五十倍塞  
口填積一衝激則數千金立潰矣甚哉河之為患也  
許州民曰歟不售一錢而累于役多逃竄惜乎

壬申得李楚柔書郭偉元來

癸酉吾邑查子宣煊來

甲戌同朱方菴俞君外過吳駿公太史所太史飯我  
是日葛爰三來

乙亥

丙子吳太史招語明刻回郭仲景字儀來不值

丁丑答爰三仲星同張書乘飲我來用脩在焉俱同旅也

戊寅出巷見田者方犁以藝麥吾鄉賈早麥種多九月過十月者不蕃北人多乘春及秋而藝僅一也是日徐道力查二南來

己卯過吳太史所值王端士撰文肅公曾孫也崇禎

己卯鄉書年方冠耳坐間多唾壺之感太史言崇禎辛未禮闈主司讀夏彝仲首義天下莫大乎人才朝

廷莫大乎名器點其句天下莫大乎又人才朝廷莫  
大莫乎可笑如此太史又曰嘉定徐汝漁好古宿儒  
也制義六典雅往時未嗽名聲不遠著學臺孫之解  
試日盡抹其文除名以余少所知者又陳卧子試孫  
不之錄且違其父師父所聞進士於是縣中牒師某  
六進士乃釋文安有定價乎

庚辰同徐道力過夏三二兩所還邸中朱方菴丁震  
生來小飲

辛巳以二南為借吳駿公太史詩草連日大風霾  
壬午過徐道力所已同陳木菴出靈祐宮時建金錄

大齋九日為中宮弓籍之祥也。哺刻朱方菴招語偶  
及往時以制義質黃石齋于西湖也。先生披牘不輟  
手。一目數行。各指其瑕瑜。頃刻盡五六人。其精敏世  
未有也。茲稱先生之詩。先生曰。吾詩未盡善。今詩四  
大家。孟津王覺斯解。晉江黃太孺景昉。  
而推孟津甚至云。

癸未早寒而陰。南宮撤棘徐道力。奏名朱方菴。心不  
擇過。朱太史留宿。

甲申清明節早過。宋俊伯小飲。哺刻雨。是日西山雪  
乙酉。吾邑陳素菴同高郵王鏡山。永嘉復相晚同丁。

震生飲

三月丙戌朔同朱方菴俞君升入大慈仁寺

丁亥早過朱方菴值山陰范祖生初有鹽車之歎午

過吳太史所值楚士下第四人俱太史丙子所錄也

其一吳仲鶚太史甚手之太史曰詩文舉業俱不可

着一好字胸中稍着則伎倆見矣凡古人得意之處

非古人得力之處惟深於文者知之晚為新榜楊自

西雍建草二啟以沈仲嘉東我勉應之楊雖邑人非

舊識遂役我奈何

戊子連陰午後雨

己丑晴

庚寅晡後朱方菴俞君芥來別朱太史小飲

辛卯求吳太史書二綾蓋方菴二南所懇立致之太  
史昨秋送趙生南歸詩趙氏只應完白歸燕臺今已  
重金二南甚愛其句特書焉

壬辰早送朱方菴南行已飯徐道力所

癸巳徐道力來同過宿

甲午晨返俄展三書乘用修來同候吳太史不值是  
晚吾邑楊氏以二金餽我又却之今老矣不足再辱  
少年矣

乙未陳雍奇來不值過霍大理向先朝寔錄未至也

丙申 丁酉

戊戌徐道力來

己亥過吳太史所貽一鱸

庚子飯沈仲嘉處因同查子宣游大慈仁寺伽藍殿  
觀西府海棠先是明英宗后周氏有弟吉祥幼視髮  
布乞袒宿寺之伽藍殿上夜夢伽藍神告后弟所  
在後夢亦如之即日見跡吉祥願為浮屠不可強乃  
改報國寺為大慈仁寺今伽藍殿藍夢所告也海棠二左  
為巨畫幹右獨本大于斗又丁香二佐之芳艷奪目

貴游日觴其前如吾輩徒白醉耳還郎中陳木菴來  
木菴昨銓試其判云鄭胄授山陰令赴任至浙江遇  
風濤鼓怒弭節而回乃辭疾解職人告詐偽云此在  
唐張鷟五花判事中非僻也

辛丑吳太史招諸值陸仙輿盛錄陸南宮初試小史

抄牘誤燕一孔其人擢挾膺踰垣走御史監場奏上  
逮杖數人太史曰天下大矣而太倉獨誤羅之貽累  
數人非適當其罰耶已赴宋俊伯飲是日陰蘭溪章  
孝廉天生方平仁和黃侍講次辰机東

癸卯早過徐道力所亭午過黑窰殿在寓舍東三里



工部園覽處其坤隅有園乔木森蔚榴柳花含芳色  
白榆錢如簇其榆不類江以南松身鑲葉頗可嚼自  
園而西有廣園偃松匝地如蓋幹小遜慈仁寺而怪  
屈過之惜以地掩也

甲辰荅黃侍講章孝慮並不值因過書乘輦道沈仲  
嘉來小飲宿徐道力所

乙巳大風霰

丙午過吳太史語久之已宿徐道力所

丁未道力以牘傳往余過陳木菴因出左安門觀崇  
善寺海棠為風妬半侵矣秦始花似西府海棠差大

栳即菊婆樹也幹斗大海棠周弟視慈仁寺矣

戊申杏吳來徐道力葛爰三張書乘先後至

己酉先是詹事府奉購書之命北地稍一二塞青貯  
府中余得其目無幾也是日府吏以韓魏公詩安陽

集許魯齋

衡

遺書明

何文定

塘石文介

珪二集來文

介集號熊峰先生刻名

偶

少序孟津陳詹事公朗

題

曰熊峰集不著名以可怪也初閱其詩一讀而盡

煖

再讀如嚼蠟矣文亦如之雖不書姓名亦可按文介

詩清麗文峭潔有法雖二帙不為少而詹事遇抑之

并略其人篇中名氏頗散見非子虛烏有也

庚戌春查英來

辛亥過吳太史所共華亭彭燕又飯劇論文事燕又  
先別

壬子陰娥雨

癸丑晴是日都人集朝陽門外之東岳廟余徬徨久之  
出東便門三里為朝日壇稍北里許而廟元玄教  
大宗師張留孫建昭文殿大學士竇垕對元塑像稱  
絕技始元像上帝未作侍者通閤秘書圖畫見唐魏  
徵像瞿然曰得之矣非若此不克相遠走廟中為之  
即日成明正統中招兩廡列地獄七十二司之名楹

帖後設帝妃行宮又加彩繪于古像神氣索然以爲  
雜函出值陳本卷足觀不能留過徐道力宿馬道力  
云同榜桐城孫中麟寒疾三日死唐人所謂報腫使  
也又出蜀爰三贈詩鮮花、發闌春裝名士風流前  
輩行一夕宮袍濡柳汁十年客劍吐星芒雲飄短塵  
旃檀屑杯泛新醅首蒼香應笑故人無賴甚白頭貂  
敕未還鄉

甲寅立夏先是爰三國一箋贈我我愛其詩次韻求  
屬和昨岳廟有碑人長三尺自云年十九羽服募錢  
余倉皇不及睹也又爰三書彙輩俱步往前詩及之

四月乙卯朔爰三以詩至

丙辰

丁巳過吳太史所值太倉王子年瑞穀太常麟洲先

生孫也踰冠歌鹿鳴因公車三十六年矣出應諷一

篇亦賓戲之稍餘也哺後大風夜雨

戊午仍風雨徹夜是夕徐道力納姬

己未干齋

庚申過李霖叔山顏兄弟谷會稽范祖生初祖生謁

選南康司理

辛酉徐道力來云前一日召赴南苑閱定應常三十

人已與焉昨試表一詩一尋訪華亭楊贊皇嘉不值  
壬戌過徐道力所方卧戲題云安得長宵似小年午  
餘猶枕翠鬟眠鳳池風景非真羨願作鴛鴦不羨仙  
俄道力出見其新姬自謂眼速五色良然是日楊贊  
皇來

癸亥補刻武康章劍威吾邑陳羽君飛鳴來羽君郵  
我家向頗慰遠念晚過少司馬霍魯齋所時職督捕  
其事劇

甲子朱太史羣飲

乙丑過李霖叔值吾邑祝梓明初未識也揖別

丙寅訪祝禱明 文震 祝以去秋至是日朱太史觴徐  
道力張書乘來用修余需醉

丁卯谷韋劍威飯于張書乘所

戊辰

己巳吳太史招語移日

庚午吾邑尉楊顯榮來楊富平人新授俄見枉意斛  
山先生之高措未及尚是日赴沈仲嘉之招客俱吾  
邑科貢而余以類齒先之媿矣

辛未報楊尉不值

壬申祝禱明招飲

癸酉附朱用修家報是日崇德朱石年霞及查英來  
至不值子宣

甲戌查朱石年查子宣英來

乙亥陰

丙子午齊

丁丑

戊寅查漢園雅故人子也其刺稱年家不受憶華

門圭甯之人安所得同籍乎薄暮雷雨

己卯楊進士又負我啟微詞諷之雖屬草謂不我微  
尋隸至語之楊氏雖邑子舊無半面而數從我挾



進士相加耳余幾種之矣自貴自賤了不相及此後  
願勿以腐鼠嚇也目作甘海詩

庚辰早拉韋劍威同訪烏程錢瞻伯介人值德清章  
孝廉芝黃金范適飢暇康而別初劍威云瞻伯多挾  
書故遇之亦僅之爾方縣寓則范祖生李霖叔來已  
吾邑楊莘崖鼎煥崇德徐次球來

辛巳荅楊徐二孝廉回過吳太史所太史里人王生  
方縣自滎陽述其姓反曰昨臘月出通州渡潞河而  
東歷邦君店柳河屯至三河之七渡河以抵薊州向  
安祿山道趾猶在城乾隅朽骨無萬數戊子嘗大程

龔瘞之天妃宮側而六十里則遵化石門峽也西山  
辟立其西石將軍高三丈許過是並塞築亭鄧山上  
殘雪遙之也又數里桃花寺之山半而泉環之又數  
里大安口有堡已已兵所沒入也其南福泉山湯泉  
約半畝人爭浴焉三十里及遵化縣兵飢後人多采  
色久之至三屯營距喜峰口僅二舍城南景忠山最  
峻其上天姥廟禱祀鱗集又東南二十里曰灤河自  
塞北經遼安盧龍滿聲澈耳土人云水漲妨渡今艦  
而不梁頗便涉灤河之鉅腹而巨色味並絕過建昌  
營則遼安之冷口又數里劉家口備保同客宿食不

為怪又東多山陰終日無人跡惟鹿雉狼兔之是覩  
近白灣二里有數家據溪上為著姓自是溪山俱可  
圖画其土沃宜稼過白沙窩數里云播鼓臺又數里  
云紅花店東二十里為大壠漫山海關者關城北則  
山南則海即古榆關也設都司二郡倖一以溫洲高  
麗人任之過八里則歡喜嶺並姜女石在嶺南二里  
遠見天橋柱者漢武帝登碣石望海當山頂大石如  
柱也距關三十里中前所稱榆關首隘而城圯矣阿  
都嘗放馬於此又東五十里廣寧前屯城多儒民有  
溪自東繞之里中後所城廢雜滿漢數十家又

東濱海多蒙古屯牧馬七十里沙河堡僅甲士三四  
家又東曰沙窩多軍壘六十里寧遠衛城戊寅歲築  
巨而固城東首山峻甚有堡可守又六十里曰十三  
站城多民舍自榆關東並宜牧馬但則声砲懼虎之  
傷馬也三十里塔山故城在山西新民可數百家東  
十里曰杏山堡城圯僅新民數家又十里松山堡城  
濠堅廣今堙矣人馬度松杏塔山道上不知為城也  
下視城門如橋洞然松山城北三里有督戰臺屹然  
壁壘尚堅又十五里大松山其麓平行王祿山枕其  
後呂弘山峙其前屯營櫛比石過于土免徑而上不

遠登通亞可跡山勢袤于錦州辛巳春北兵圍錦州  
先朝覆萬衆于此至今白骨山積塔山東二十里則  
大凌河道也以裹糧更西三十里入錦州城見粟數  
百車庾千石諸實走集俱販自義州者出關所僅見  
也至大凌堡又五里大凌河水頗險東渡六十里閭  
陽峪城旅舍數家此廣寧之交路也東六十里盤山  
驛僅址在六十里沙林堡六十里高平驛並墟莽但  
聞虎狼声三十里則三岔河之寧遠堡空城不可入  
五里為三岔河衝里許遇風則濤以甲士數人任檣  
河左有城周半里置空庾四五楹鮮民舍東三十里

牛莊城周一里守者滿人外為土著今招募之人錯  
馬野穀俱登其值大減于關內海濱所習一舟浮二  
千石遼人利之牛莊南二十里小馬頭比屋千家為  
最饒北河二十里曰海州衛今海城縣也山水在目  
其城圯居民曉數十家水次多鳧鶴東六十里鞍山  
驛城夾山間又二十里東南羣山拔起而龍泉在平  
陸其泉溫浴之三十里沙河堡民為稠又二十里首  
山龍泉寺湍流甚衆距山二里有堡廢而重築民居  
數百家又十里遼陽衛城今遼陽府也故遼阿保機  
所都向繁富乙酉其民內遼城無十之八西關外白

塔高十三級為漢製舊城毀盡今築于舊城東南五里左太子河而枕大山涉太子河至堡又東北至白塔則石橋新成工頗巨又十里渾河尤險先朝杜松敗處又里瀋陽城樓櫓甚壯其門八宮殿界大小南門間金碧如制殿左理事亭八角翼以諸王殿周垣後列鐘鼓兩樓設六部而戶部有其官餘虛署也環闐俱闐整而章京牛鹿家尤雄城外庄居則苦瓦相雜俱溫室有羨東道不拾遺城外白塔四隨其方至西僧立城周六里東西二陵而瀋陽之觀止矣出西關二十里渡永安橋其制甲于關東西南百餘里

為句麗河衛二十餘丈而澈河西有新堡以便休牧  
竺自瀋陽來廣漠無際人鳥俱絕塗中有而僧梵一  
廢井濁不可飲云高句麗舊藩底欄楊木尚未全朽  
也新堡西南百三十里曰白旗堡向屬蒙古又百三  
十里曰小黑山進堡始廣寧幅內也三十里見廣寧  
衛城傍暨巫閭山而西仍出閭陽故時雄屯劇聚吹  
角旂纛化為寒煙荒磧矣過之桃李猶華柳絲猶蔭  
不知為誰氏之遺也征人對此情緒可勝道哉余因  
問左懋泰魏琯陳振臣等諸流人何若曰左氏未及  
詳也魏寓瀋陽城外僅一椽遼陽守張



政館致陳公子亡恙粵僧 為人皈依修善濟事  
鉅麗如中土店食俱而製雞魚米蔬賤極矣王生之  
言如此余不聞遼事久矣異其言為詳著於篇吳太  
史又曰朝鮮人入朝雖漢書又自有俗書行于民間  
嬾女多姣好中人家耻在醮故其風貞隣人甲男  
歲若干隣人乙婢若干歲即互配而甲乙各事其主  
如故同夕不同役也其兵怯不任戰故折入於滿洲  
蓋聞之滿洲學士某云是日錢瞻伯及歸安周子韶  
風儀 來不值袒大雷雨

壬午晴徐道力來哺浚谷周子韶始悉其里字以歲

為至還過道力所久不出去之

癸未沈昭子所來

五月甲申朔陳不菴徐道力先滋至午游大慈仁寺  
狗葛爰三張書來之約同返余過霍魯齊侍郎所見  
其子彥華子征是日聞禁屠宰七日且禁午節符纓  
之屬不知其故中袒駕還宮止于南臺蓋駕出南苑  
者六閱月

丙戌晚陰

丁亥晨雷雨

戊子山陰劉北漁世鄭孝廉先生之湛子也即往  
荅不值午酌如例是日游人萃于天壇奈往閣人不  
納日過陳木菴木菴以鈴期未及決驟計宿道力處  
己丑訪仲芳仲芳已南返矣子長孺不值

庚寅宿徐道力所

辛卯劉北漁來了文通二事係甚朱石年來是日輔  
政王辛勅嬖姬五人殉焉命三品以上諸臣入宿王  
邸中例焚楮不拜夜有月子刻大雷雨

壬辰晴

癸己荅劉北漁韋劍威朱石年飯于書乘所又經徐  
道力語移時

甲午中夜雨

乙未吳太史招同幾詩十首暮雨

丙申巷口觀輔政王出華儀從甚都平生所御服玩  
毳幙弓矢鞍轡犬馬臺駟俱灰殉之已市飲倦卧以  
雷雨醒薄暮李霖叔來

丁酉過李山顏值莆田許天生同飲因答霖叔苦熱  
殊不飲冰

戊戌張書乘來別朱太史晚陰

己亥徐道力來

庚子 辛丑

壬寅午過張書乘所小飲

癸卯

甲辰飯吳駿公先生所時先生註籍

乙巳早過徐道力不值道力有索來長安之累告貸  
為苦是日熱甚

丙午早過少司馬霍魯齋所問先朝實錄在南道未  
至也李霖叔來別附東季楚柔

丁未徐子巖來得家報

戊申晡刻雨

己酉 庚戌

辛亥過爰三書乘所不值留家向郵馬午後徐道力  
再至道力自館選後意色殊不憚有邑人來似聞括  
樓之恨道力疑駭過而我商我、質之朱太史以屏  
點俟急足

壬子早過范祖生祖生時卧疾未行

癸丑

六月甲寅朔友人朱日如基升館恭順侯吳氏過之  
小飲回而徐道力郭龍威來薄暮忍詢余何是日葛  
爰三張書乘而發

乙卯早答郭龍威因過道力所方廉沈仲嘉至夕宿

徐氏

丙辰夜苦熱

丁巳陰陳羽君李山顏查巢阿斐英先後至朱太史

陽巢阿暮雨

戊午又暮雨徹旦

己未午霽

庚申

辛酉過徐道力所語移日

壬戌

癸亥夜微雨

甲子過吳太史所晡刻還邸俄雨昨太學試諸生論  
目云綴輯聖人遺書有兩友問所出不能答已知為  
程伊川先生語也

乙丑晴過劉北漁錢瞻伯所是日山陰張登子性未  
不值

丙寅錢瞻伯來暮雨

丁卯仍雨

戊辰晴

己巳是日再雨再宵答張登子亦不值

庚午是日初伏例俗浴象於宣武門外之右濠象十  
一鼓憾前導濠上葦幕三間臨以五席濠南士女園



謚相傳象交於水今則否今妨游目以竢日滋耶

辛未徐道力家報至果栝栳永感矣即唁之

壬申午過徐氏多貴客苦熱而寐

癸酉過陳永菴永菴云辛卯同貢仁和王彥先名登

需次縣令癸巳四月候選至今月九日邑之以均田

宅並廢携二子為役其長壽朋亦仁和諸生至備書

報房乞轉于鄉人余聞之惻然以語徐道力及朱太

史各太息焉

甲戌冒熱過陳永菴致以朱太史意哺刻王生來朱

太史贈三金且東卓太史為醵其費余索恥貽王生  
五星不足多也

乙亥

丙子錢瞻伯借我夏華仲辛存錄

丁丑

戊寅暮雨

己卯始弔徐氏同沈仲嘉肅客熱甚先反而雨

庚辰午過吳太史所太史作臨淮老伎行甫脫稿云

良卿伎冬兒善而樞入外戚田都督弘遇家弘遇卒  
都督劉澤清得之為教諸姬四十餘人登兒尤姝麗

甲申國變澤清欲傾二王存否冬兒請身往易戎飾  
而北至田氏知二王不幸還報澤清因從鎮淮安澤  
清漁于色書佐某亡罪殺之收其妻明并澤清降燕  
而攝政王賜侍女三人皆經御者澤清不避也居久  
之內一人告爰攝政王錄問及故書佐之妻澤清謂  
書佐罪當死故妻明其非罪且猶澤清私居冠角巾  
諸不法事澤清錄下冬兒刑部時尚書湯 當飲劉  
氏識之以非劉氏家人原平康也得不坐外嫁焉吳  
太史語訖示以詩曰臨淮將軍擅開府不關身強閭  
歌舞白骨何知棄戰場青娥已自成灰土老大猶存

一伎師拓技記得開元譜  
繞轉輕喉使泪流  
尊前新出漂零苦  
妾是劉家舊主謳  
冬兒小字唱梁州  
翻新水調教桃葉  
撥定鵲絃換莫愁  
武安當日誇聲伎  
秋娘絕藝傾時世  
咸里迎歸金指車  
後來轉入臨淮第  
臨淮游俠起山東  
帳下銀箏小隊紅  
巧笑射棚分畫的  
濃粧毬杖簇花叢  
縱為房老腰肢在  
若論軍容粉黛工  
羊侃侍兒能走馬  
弄波小妹解彎弓  
錦帶輕衫嬌結束  
城南挾彈食馳逐  
忽聞京闕起黃塵  
殺氣奔騰滿川陸  
探騎誰能來薊門  
空聞萬里追風足  
消息無憑訪西宮  
兒家出入金張屋  
請為將軍走故都  
一

鞭夜渡黃河宿暗穿敵壘過侯家妓堂仍聽調絲竹  
祿山裨將帶了刀醉擁如花念奴曲倉卒逢人間二  
王武安妻子相持哭重天貴勢倚椒房不為君王收  
骨肉翻身上馬遇南兵退駐淮陰正拔營實到我曾  
求死士明珠還欲致傾城男兒作健酣杯酒女子無  
愁出曼聲可憐西風怒吹折山陽樹將軍自撤沿淮  
戍不備黃金贖海師西施一舸東南避崩潰急浪大  
于山張帆拔舵無歸處重來海口豎降幡全家北過  
長淮去長淮一去幾時還誤作王侯邸第看收者到  
門傳秦妓蕭條西市歎南冠老嫗今年頭總白淒涼

閱盡興亡跡已見秋槐落故宮  
又看春草生南陌  
依然絲管對東風  
坐中尚識當時客  
金谷園化作塵  
綠珠子弟更無人相憐  
只有樓頭月長笛聲  
欲斷魂是日值黃庭表與堅暮雨

辛巳春太史壽其母演浣紗傳奇至勾踐渡江意傷  
此事今日之不再也余泪淫々欲下矣

壬午尤熱

七月癸未朔為徐氏素客同沈仲嘉

甲申夜熱甚是日浙直友人同祭徐氏

乙酉霍司馬餉我二金時有勘河之役

丙戌晨遇錢瞻伯其甥章芝黃 金范于朔日病卒年  
二十七少年計偕遽登鬼錄真人生如朝露也

丁亥

戊子雨

己丑晚大雨是日立秋

庚寅晴暮又雨

辛卯晴

壬辰早陰俄霽過吳太史徐道力所中夜大雨

癸巳陰

甲午晴荅武進劉上余 漢卿

出朱太史之門年

鉛山朱獨補

乙未徐道力來謝朱太史同小飲晡刻錢瞻伯來薄  
暮雪

丙申候沈仲嘉疾連訪查巢阿章劉咸

丁酉午游大慈仁寺觀集

戊戌陰夜雨

己亥陰 庚子

辛丑暗 壬寅

癸卯始咲金桃出甯寧縣土人云蜜桃按一統志稱  
金桃玉桃上林苑出金色黃玉色白今稱銀桃蜜桃



又各國其色而訛也是日遇吳太史所太史曰崑山  
李氏著姓其甥被掠入故督臣張存仁家以配媵人  
陳某甚洽存仁卒甥嘗念前子不值我偏書者郵一  
家問已李氏子來求賄張夫人不許陳某跪懇云彼  
大家奴輩安敢錮之張夫人允放李氏子私貽陳某  
繒一陳某加以三端具簪珥時甥年三十八客止楚  
楚瀕行約異時見枉陳某曰彼大姓安可再辱其服  
義如此是可記也

甲辰省沈仲嘉病尚強起酬我

乙巳過徐道力所

丙午陰 丁未晴

戊申訪徐慎公 於大慈寺值安溪孝廉王維白 復

表 小飲

己酉朱太史以奉命上故島金王香時居于白石莊  
萬州馬家園因北馳十里游海淀故外戚李氏園  
今跡宿王跡侈其勝余心勃々往矣

庚戌過陳木菴木菴候選縣未及決跡計

辛亥早發為海淀之游入宣武門大街久之道側缺  
獅二元貞十年彰德路造先朝都督田弘遇賜第  
獅當其門今門堙而獅如故也吳駿公嘗作歌曰田

家鉄獅屹相向綢緜蹲夷信殊狀良工朱大初寫成  
四顧咨嗟覺神旺先朝異地徠西極上林金鎖攀極  
出玉闕罷獻獸園空刻畫丹青似爭力武安威里起  
高門欲表君恩示子孫鑄就銘詞錫日月天貽神獸  
守重閭第令監奴睛閃爍老熊當路將人攫不堪此  
子更當閨釣爪張眸銀鬚七寶香猊玉辟邪嬉游牽  
伴入侯家園人新進天閑馬御賜仍名獅子花假面  
羌胡裝雜技狡狴突出拳毛異跳擲声々畫鼓催條  
支海上何由鼓異才逢歡信超羣其氣毋乃如將軍  
將軍豈是批熊手瞋目哮呼天下聞省中忽唱田蚡

死青犢明年食龍子蝦蟆血濃上陽門三十六宮土  
花紫此時鉄獅絕可憐兒童牽挽誰能前索駝肩摩  
牛礪角霜推雨蝕枯藤纏主人已去朱扉改眼鼻塵  
沙經茨藋鎖鑰無能護北門畫圖何處隸西海尋聞  
滄州鉄獅高數丈千年猛氣難凋喪風雷夜半戲人  
間紫皇戰伐英靈壯蘆溝城雉對西山橋上征人竟  
不還枉刻蹲獅七十二桑乾流水自潺湲秋風吹盡  
連雲宅鉄鳳銅鳥飛不得卻羨如來有化城香林獅  
象空王力扶崔嵬牛見太平月支使者貢西京并州  
精鉄終南冶好鑄江山莫鑄兵尋策塞出西直門計

十二里至海淀則清華園改武清伯李誠銘以神祖  
元舅餘力治園其地十頃寧治壘石費億萬緡勝甲  
都下環治通舟前後汪洋直若數澤蓮芙蓉蒲魚以  
水搖坐泉香亭中有閤轟其前羣峰北拱解衣沽酒  
得大酒二斗非金習也勉同董生盡之閤峻甚亂石  
疊其址紋如水裂崇禎丙子冬宿王內次嘗駐此燬  
其閤今加葺者又即宿王也事不可料如此園額未  
萬鍾書亭額南充黃輝書閤之南清雅亭慈聖皇太  
后書酒罷尋左徑度山樓峰迴洞轉巧奪天成徐步  
出園擬游玉泉山而酒氣大作不知所繇同輩引余

臥一村廟而嘔雖委頓猶步二十里返寓使余不酒  
因玉泉豈有異哉噫余過矣余過矣又園丁董某以  
李氏蒼頡令投宿邵主業歲輸百金而年其利李氏  
二孫貧甚不能自活

八月壬子朔午入慈仁寺甲夜驟雷雨

癸丑晴速熱

甲寅過吳太史所值其鄉人馬又如允昌本世弁崇

禎末任四川副總兵遘亂開闢全州己丑交出部校  
舉家遇害因北降隸鎮紅旗下食四品祿貧甚言道  
事一二則晚同友人席地飲大慈仁寺松下斜陽翠

滴頤酣

乙卯過查巢阿飯于查樓

丙辰卯刻驟雷雨

丁巳晴候徐道力疾予擬同返是日朱太史勉留不能堅決

戊午附家報于陳木菴木菴決疎計也哺刻過霍序  
華值咸寧王文宣弘度俱目擊李自成僭位事文宣  
出元王叔明溪山無盡圖卷長三大至正九年作  
己未

庚申初縣官購書郡國或奏上貯于詹事府得其目

十三經廿一史外纂也集不下數種餘多地志邊  
鎮則宣府雲中朔方而宣府志為最鎮人編修孫世  
芳作郡則順德廣平昧德彰德懷慶衛輝而彰德志  
為最安陽崔銑作州則涿景滄延慶應蔚縣則直隸  
為固安東安房山懷柔文安豐潤大城南寧交河寧  
津東光慶電清河廣宗內邱任永年曲周邯鄲威永  
寧山西為襄陵懷仁山陰馬邑河南為鄆陵尉氏延  
津陽武原武項城沈邱密夏邑湯陰臨漳林新鄉獲  
嘉輝河內武陟溫登封新蔡固始各志多躋駁不論  
而河內襄陵邯鄲為最



辛酉霍房華來晚同義烏金公輝小飲

壬戌晨沐金公輝云頃者杭人某以相術來長安年  
殆七旬甚自負上章略曰堯眉八彩舜目重瞳禹湯  
文武各有異相見稱後世著在史冊今皇上英姿天  
挺祈一召見俾臣覲揚光休于天下云術人誕妄聞  
之不免失笑晚過王文宣霍房華語舊事知甲申大  
事記殆吟噓也

癸亥訪金公輝于廣慧寺公輝少從父涇州官署甲  
戌南還道經流寇屠掠之餘慘不甚覩杭人柴虎臣

始炳  
來得房氏手札

甲子中夜雨

乙丑陰

丙寅晴中秋節寄徐道力詩一首

丁卯得道力和章知有起色矣過吳太史所語崇禎  
初劉州道張春臨於建州抗節不屈以窮死清史甚  
輯之余因曰往時謂張春降敵追削其秩奪贈廢流  
聞之誤如此已漢王又宣借嚴滄浪詩話

戊辰

己巳省徐道力尚伏枕瘠甚前書勸其遣妻未即受  
也沈昭子廷試訖且做裝卷之簿暮王生壽朋扶觀

下潞河又求朱太史書致淮安權閻錢介子受祺立  
付之

庚午 辛未陰

壬申過霍彥華士錢唐俞時篤真行書并所撰經五  
十三願頌並大有羊致閱之共歎其無祿慕兩道值  
陳旭生相隔踰歲矣

癸酉晴窗秋壑侍郎徙居而近候之不值自今春道  
見後數阻晤午刻省徐道力語移時已飲大慈仁寺  
僧舍值而昌熊希文

甲戌又省道力是夕道力遣妻

乙亥早送道力各有黯黯之色會雨亟別濡其履  
而子味爽大雨是日朱太史入朝始御殿前此未有  
也午霽

丁丑晴是日御試庶吉士以韋劉威查巢阿來回訪  
金公輝

戊寅

己卯過吳太史所太史云黃石齋先生子三人今歲  
飢為閩人啖其二僅少子在

庚辰陰 辛巳

九月壬午朔訪常侍殿邦及楊升楊升故膠州高

相國綱紀也任游擊尋飯于吳太史所太史同年侍郎孫北海承澤撰四朝人物傳其帙繁祕甚太史懇年餘始借若干首戒勿泄特示余曰君第錄之願勿著其姓氏于人也俄楊弁來語相國二孫近况幾于負薪也矣

癸未

甲申朱義儒還自穎州

乙酉是日御試庶翰四十八人表一疏一判一其表目上親征朝鮮國王率其臣民降羣臣賀表崇德六年聞之崇德元年太宗時猶稱月勒其年所部某各

勸進始稱王以朝鮮外之且治兵故見伐今朝鮮頌  
治兵內院所為擬也疏曰漕運判曰朝廷倚仗大臣  
甚殷反背公營私負恩謀事逆重議罪或云陰有所  
指也午刻駕到午門內唱名持牘就低几坐地各蝦  
二人監之光祿云張帷門外人列一席饌二簋籠炊  
四枚飯酒各一甌大都簿莫始出各不及席有數人  
未竟牘命燭上自候二十刻乃罷

丙戌陰過吳太史所太史口誦其表極瞻麗是日始  
御殿于麾威于先朝

丁亥晴大風

戊子客有言西安糧米三粒通寸許又華州多桑

己丑

庚寅重陽節午後登大慈仁寺昆盧閣雄犢在閤忠  
閣之上晚過楊弁所小飲

庚寅過吳太史所飲得詞目品次

辛卯過劉北漁值其居停嚴郎中生菴我躬

壬辰 癸巳

甲午訪故都尉劉有福及嚴生菴不值回過沈仲嘉

知吾鄉雖旱米值頗平五月中海寇三十艘分泊東

西車未掠六月盜夜擊庫金萬三千有奇

乙未 丙申

丁酉同朱義休過吳醫吳于亂時以賤直購大內書  
畫古器若干目出杯珖珮瓶注俱舊玉各一崑崙奴  
一又宋馬遠商頤圖高宗所書李息齋竹二幅蘓子  
瞻竹一幅吳仲圭山水圖元人碧桃圖集賢待制馮  
子振奉皇姊女長公主命題其詩曰碧桃相見又東  
風記得當年萬片紅說似溪<sup>長</sup>溪上客莫將痴事怪  
山翁又趙岩題春風入紙綠初明剪刻紅霞不見聲  
半醉向花花未語幾時和月裡吹笙又黃荃萱竹圖  
為嘉靖四十三年籍伊府典模物牌首標識尚存終



幅鈴丰卯趙溫字某號按黃荅五代孟蜀時人去今  
七百餘年絹素如新似未必然又紙瑁扇一係張居  
正進時留飲頗酣是日 上點閱詞臣科道  
戊戌聞詞臣外道十有八人

己亥中夜雨

庚子大風晴刻朱義儒飲我市上晚過紀春晚  
辛丑

壬寅同韋劍威過劉北漁所

癸卯

甲辰吳太史晚又示我孫氏人物傳若干

乙巳劉北漁來 丙午

丁未過吳太史所己亥李山顏兼訪查漢園疾良已  
求一纏地狎與以應奈何

戊申又過吳太史所查巢阿來不值

己酉

庚戌晚同朱太史飲而酣

十月辛亥朔連煥

壬子陰過查巢阿同訪唐去矜 不值

癸丑查巢阿來

甲寅過韋劍威值同寓陳冰遠夜雨

乙卯晴晚過霍房華所

丙辰陰 丁巳

戊午昨吳太史移居候之云今日有閩人訴御狀致  
投之水及涯而止之下上作司

己未 庚申

辛酉劉北漁來云山陰縣南三十里曰項里相傳項  
羽殺人避仇處今立廟山中屢被火曰作石室有徐  
錢二姓世姻如朱陳焉每元旦禱于廟爭先而殿雖  
甥舅不避也近二姓各築室于舊廟之左右而中虛  
之爭始息又一室祀虞姬共四室神最著靈廟前大

樹不知其何本有沒者立死

壬戌為余初度自入京並未嘗告人非諱也恫味如  
余生之日即忘之日也曷足道哉晚預朱太史客席  
癸亥大風寒

甲子晚遇吳太史所值黃庭表

乙丑 丙寅 丁卯

戊辰遇吳太史所亦長安雜咏

己巳晚同朱太史飲有詹事之命

庚午春韋劍成時昧安陳冰遠同却冰遠為故大理  
簡肅公雍曹孫云先同年臨朐來冰壺儀宰蒲陽虞  
挫流寇最後被執同難者保寧王甫漢齊人 並

大行皇帝

受僞命獨來不見除李自成臨襄陽令來教諸生四十餘人稱先生或稱師從下河南同保寧王逃入京奏賊始末先帝聞之授來職方主事從督師孫傳庭督畫未至軍中傳庭敗沒走還京陷賊中又走江南聞治逆黨匿冰遠家年餘而去冰遠居東林山距昧安縣東南六十里宋倪文節思遺址存倪家莊其後人也俱力田無沽澤之業

辛未沈仲嘉來

壬申

癸酉陰山陰嚴戶部生菴我躬招飲

甲戌荅太倉黃庭表

乙亥過史于巷遇寄家報于巷得江山教諭南返晚  
飲宋俊伯所上虞倪于王 嘉賓孝廉

丙子候沈仲嘉昨仲嘉除平陽司理倪于王及天台

楊魯齋 南宗來明經

丁丑荅倪于王楊魯齋小飲云縣之桃源屈澗十里

山桃花之樹高四五尺花而不實

戊寅陰夜雨

己卯大風沈仲嘉來

庚辰過吳太史所示秘本一帙

十一月辛巳朔霍魯齋司馬勘河回祝旌明來

壬午春祝旌明回過沈仲嘉

癸未偶入斜街都土地廟亦市期也在慈仁寺靈祐  
宮之下有萬曆御製碑記其大明萬曆字已鏡其三  
則羽化無識也古石刻流傳多矣國朝未始鑲也出  
過長椿寺以王文宣移寓焉萬曆時孝定皇太后為  
歸空和尚建殿廡雄麗其後多寶閣則崇禎間田貴  
妃立費四萬緡內湊金多寶塔高一丈五尺塔中空  
藏妙法蓮花經觀世音菩薩左九蓮菩薩右智上

菩薩九蓮即孝定皇太后李氏也智上即孝純皇太  
后劉氏也俱旃檀蓮座舊供封號牌位今撤去辟繪  
千佛丹碧炳耀旁銅像十八羅漢為大內大善殿物  
今携寺中晚飲沈仲嘉所

甲申大風谷劉上余金公輝尋赴章劍盛之招同劉  
北漁查策阿及歸安胡天行健錢唐顧季蔚豹文

乙酉早過沈仲嘉反財倪子玉胡天行及會稽徐野  
公沁先送至

丙戌硯始水谷胡天行徐野公午過王文宣墓夕朱  
太史出局其門以邏禁嚴也



丁亥大風

戊子已刻聞顧仁賀繩烈被殺通劉北漁來云近日  
王倡螢火詩有情螢俠螢仙螢伴螢等目於義何出  
可數一喙也

己丑過熊希周希周買姬云祁陽孝廉鄭紳女楊己卯

字進士劉 次子前年被掠昨夏入燕落北里賄

以百金是日駕遽往南海子以中宮出疹二王避翠

華成因禁屠停封止利十日

庚寅遇喜秋壑及吳太史所

辛卯

壬辰大風

癸巳過沈仲嘉不值聞徐道力不諱未之信已飯草  
劉威陳永達所同訪施山公永國聞其多携書至則  
失望還過查巢阿同訪詹去於不值去於館于陳公  
煥煥公煥連山東右轄將行

甲午早過陳羽君向徐道力出耗云杭人王生十月  
十八日過濟寧在城南見徐道力所乘舟之人壽某  
云徐太史望日疾革越三日以同年六人始克殯嗟  
乎道力果物化矣一棺我身萬事瓦解可勝悼哉可  
勝悼哉

乙未入大慈仁寺值雪秋聲及龔孝升先赴吳太史  
言余于孝堯<sup>升</sup>及華亭宋轅文並欲見余未敢自媒也  
丙申訪王文宣及吳太史生日風

丁酉

戊戌有書實呈目于朱太史稍別白一二內內天台  
王文通集意未必佳以僅見存之夜同朱太史語始  
知阮春晚遽兵部主事

己亥入書肆得趙浚谷舒梓溪徐海隅三集  
庚子風過太和堂吳氏值唐去於

辛丑 壬寅

癸卯陰先是霍魯齊購我明實錄而廟憲廟以向余  
所錄尚未全無以應也

甲辰早過劉仲漁因飲吳太史所己刻微雪

乙巳沈仲嘉招飲值華亭吳六吉還飲倪于王所

戊申坊間有見聞錄抄本意稗說也亟索之乃民間  
小厯此上崔氏春秋之類也漫記之

己酉陰

庚戌陰過沈仲嘉所又過韋劍威不值夜雪

十二月辛亥朔微雪占于陳生鄉思弥切

壬子 癸丑連雪

甲寅大風寒是日霍魯齋攬撥之辰壽叙出余手因  
走謁賀客盈座余亟退

乙卯借厝去於文鴛讀諸傳記六吾杭能品也午刻  
得鉅鹿尉山陰王如器書並備一金余寓燕久未嘗  
通謝此因朱太史破戒矣

丙辰晚同倪子王飲宋俊伯所

丁巳長興盧夢叔雅同柴虎臣來

戊午早過章到咸不值過吳太史所昨夕上傳吳太  
史及庶吉士嚴子養沆行人張穉恭恂各作畫以進  
太史方點染山水明日共進時朝廷好畫先是戶部

尚書戴明說大理寺卿王先士

程正揆各命

以畫進是日上獵

己未春柴虎臣盧夢叔草明史示我還飯寺朗山所  
晚朱太史招沈仲嘉重集阿同飲

庚申有以御畫竹貽朱太史蓋棄紙也曹太監

化淳

姪孝廉得之所貽過徐野公

辛酉徐野公來余同過沈仲嘉不值

壬戌

癸亥移宿西廡

甲子

乙丑辭黃太史初明日之招

丙寅朱義儒婚

丁卯陰

戊辰晴沈仲嘉貽三金不果辭過劉北漁所值趙公  
簡章合可 晚飲聞盜及南海子如漢武帝幸雲  
陽宮事云即七校之士獲之矣

己巳初沈仲嘉辟劉北漁為記室北漁轉為趙公簡  
故余數往來其間得如約

庚午

辛未陰寒今冬視前歲寒減甚惜霍魯齊萬曆寔錄

向在嘉善錢相國所抄定錄為之書刪其半至是魯  
齊二百金全購

壬申朱生生來國壽前兵部郎中仕清陝西參政

癸酉荅朱生生留飲見崔青虬所画胡僧深得古致

生生語明季事頗悉晚同胡景聖施山公劉北漁徐

野公飲甚適景聖先世麻城人嘉靖初從蹕京師世

善象緯云近日太白經天在心度太白畫見論分野

此不論分野飲間曹秋壑貽我銀杯辭

甲戌未介陰別曹秋壑不值返則秋壑先來矣

乙亥連日上傳東幸



丙子飲查巢阿所同過韋劍威不值而陳永遠目告  
昨報母夫人違養色益戚

丁丑倪子王查巢阿先後至朱太史留飲

戊寅哺刻飲韋劍威所陳羽君云吾邑吳梅里吳真

二先生並捐館陳永遠云先人任河南司理行部河

池聞太行山天壇有氣腸出腹外命捕至果然按梁

州記曰知耳水北知耳鄉山有仙人唐公房祠有一

碑廟北有大槐碑云是其遺宅處公房舉宅登仙故

為坑馬山有易腸鼠一月三吐易其腸博物志曰唐

房升仙雞狗並去惟以鼠惡不將去鼠梅一月三吐

也腸

己卯除夜飲頗酣

丙申

正月庚辰朔木介己大風早赴正陽門闕廟卜一籤  
還飯韋劍威所因過沈仲嘉附家報又過陳羽君祝  
穉明不值晚飲沈仲嘉所

辛巳趙公簡魏我叔帶辭己荅倪子王侯霍魯齋及  
劉北漁值嚴生菴留飲又過吳太史不值至琉璃廠  
東門查策阿小飲晚飲宋俊伯所

壬午訪周子俶子俶除日至中州己趙公簡李山頗  
來晤刻過沈仲嘉小飲

癸未赴祝禱明席

甲申裴東皇來夜雪

乙酉

丙戌連寒趙公簡周子俶來俄吳太史家幹至云昨  
召入南海子纂孝經衍義同官六人總裁者涿州也  
晚過沈仲嘉留飲畏暮而回是日勅修通鑑全書纂  
修官十有五人首朱太史太史官詹事例皆副總裁  
已定負又改為纂修蓋時貴意也夜雪

丁亥早踏雪送沈仲嘉之平陽還訪董羽宸夜又雪  
戊子晴是日朝廷索詞林以董元宰書畫

己丑晨雪晚甚之

庚寅是日金星晨見

辛卯 壬辰

癸巳大風寒過周子做值山陽成大感默弘光初明  
經從左薤石北使言北使事頗異

甲午夜飲心頗不博

乙未連大風寒午益虛夢叔夢叔時拜官穀城徙寓  
矣余闌入黃侍請度併向柴虎臣云他出則商人意  
丁酉昨吳太史歸自南海子約會既至則太史暮出  
內院即別

戊戌初後遇吳太史己華亭田鬲淵來同飯是日都  
人出西便門游白雲觀之故元真人丘長春隱處長  
春子邱處機字通密世居登州受學於金之王嘉興  
定己卯見元太祖于祭壺園弟子十八人皆從庚辰  
二月入燕辛己三月踰嶺而北七月至阿不罕山壬  
午四月住大雪山癸未五月辭歸嘗主京師長春宮  
長春子云明永樂初修觀至期羽士麻集張謙畢至  
余寓燕久誓酬其負會莫亞向逢踉蹌出西便門跡  
人跡接可二里及之門殿且閉僅閱一碑而出  
己亥

庚子是日勅修通鑑全書宴總裁纂修諸臣先是簡  
文淵閣藏書俱零落不存則修書何所據也晚遇周  
子叔值姑蘇錢宮声錦宮声謂我親似陸子玄庚曾  
余謝不敏

辛丑 壬寅 癸卯 甲辰累日大風

乙巳 丙午

丁未晡刻過宋俊伯釣鱖棹值倪子王携飲

戊申閔神宗實錄竟歸之見堂上懸沈周畫高峰遠  
谷髣髴萬岱

己酉

二月庚戌朔大風霾

辛亥宋俊伯于七之日約行

壬子

癸丑晚于周子叔所復值成大威語良久云弘光元年高傑提兵而北凡十三營兵共萬人至睢州故總兵許定國跪迎道旁請傑輕騎入城或沮之不聽傑選各營百騎以從定國設飲甚早謹營騎稍諠傑向故定國跪曰睢城小不足容車騎卒未儲給祈大將軍盡外之俟明日治辦以贍軍傑允之盡出其兵已傑起更衣定國之侍兒密語傑侍兒曰今夕主將

陰害大將軍傑侍兒以告傑不信即語定國曰若欲  
害我手對曰不敢傑曰吾固知若不敢也醉就寢其  
室俱踈牖許氏令護卒以矛入刺及于膚傑躍起拔  
刀出戶殺三四人仆定國乘屋矛刺傑死侍兒踰  
垣墜城下報諸迎旦屠城定國逃智井中以免諸營  
奔還揚州史可法閉城不納疑為定國指導也各兵  
力言無他竊願給一令當滅賊以報可法終不納命  
散屯海上軍心始離大威又曰甲申之變太子走太  
監曹化淳宅中經宿化淳之客覓一善地送至刑  
部街棄之去彷徨值一老宮人入順城門內尼菴告



之故留焉久之凡益習且聞江南有主遂欲南徙無  
可偕者凡有所善僧許之苦無資太子曰是不難當  
告外家周氏暮同僧至周氏傳語公主貽二大錘僧  
謂須碎金若大錘未便也太子求入見公主相持大  
哭嘉定侯周全度不可掩始出首左侍郎羅石奉使  
寓太醫院聞其事密遣人傾太子見其固姑帽藍布  
衣也又曰陳洪範初館鴻臚寺洪範故善祖大壽因  
夜治索踰垣貽大壽求南還清朝以左侍郎同來不  
宜獨反遂並遣至滄洲邀左侍郎而誅洪範時北騎  
至即袖黃勅授洪範衣內蓋勅拜浙江巡撫也

甲寅早過查巢阿耐家報回同唁陳永遠還候咸大  
咸大咸住淮安清江浦工部前至寓即治裝霍魯齊  
招飲辭不赴晚同宋俊伯倪子王飲則朱太史陽開  
之酒也時堅留我而余亦堅謝之